


Aj pu'ij ootaje'yaca' i míistu, ti'ij a'ntacun i  
pueerta. Ti'ij irányeeriaca', ti pua'aj quée che'  
ajá'hua i néicaj.

Aj pu ij huóoyinyacaj i míistu:

—¡Miaaun!



Sáahua tíca', a'tzáa je'ta tica', mentyij  
tyáucusi i míistu. Ti'ij ajoré'nye i néicaj, ti'quij  
huatatyójtaca':

—Ajíi'.



Mentyij tyáucusi i míistu, ti'quij a'yan:

—¿Ji'nye tytíj pa'uurej?

A'ya pu tyí'mua'tze pueereyee íra'ra'n  
pueenya'a. Ti'ij tyamua' tya'tányeeriaca' ti  
pua'aj néicaj avé'nyee ti'ij ij yee tye'je:

—Xá'puí'n pej yee mutyi'ré'nye, ti'ij ij  
aatajé, tyooj tyu'uxáatan, ti'ij ij e'tyáana i puerta


ataj je'en etyéechaxi i míistu, aj pu'ij ij a'yan  
tye'jee tijin:

—¡Nyamuaatyáci'mij!

A pu'ij iríjhauaxu i néicaj:

—¡Capáj yee nyacimáj!

Tí'ij ij anjo'tyájrupi i caama jitye. Tí'ij ij  
ootajé'yaca' i míistu naa tye'n tyunyé'exij tí'ij  
ará'aj jo'ti jo'tyéjve i caamaj. Ajta i néicaj  
jaata'íhuo'ri' tijin:



—¿Nyi panaatyáci'mij?

Ajta i míistu huatanyú tijin:


—Jee nyu'u.

Tí'ij ij yaa i néicaj tijin:

—Náatyo chij nyu'u.

—Joo yé'e.

Yaa pu'ij i míistu, tí'ij ij 'antyájrupi i  
míistu. Ajta naacatye'ráasejre i néicaj, mentyij  
anácun cíjra'tzu i pueerta ampu uhuájrupi. Ajta  
i míistu jaatavéen, 'aj pucaa tyojo'tyóotaraj jo'tij



a'nácun, tí'ij ij huatyóotimue'ri' i míistu anxi  
minuto pu ahuariá'ca'a, aj pu'ij ajcháj  
ahuatayíxi oopuitaj, tí'ij xáa' ij tyamua' huaríj,  
tí pua'aj anje'e tyeje'ráanye i néicaj jo'tij  
a'nácun, ya pu'ij tye'jee tijin:

—¿A'tzata' panatyáci'mij?